

5 апреля 2020 года

НЕДЕЛЯ 5-Я ВЕЛИКОГО ПОСТА

ПРП. МАРИИ ЕГИПЕТСКОЙ. ГЛАС 1-Й

**Последование часов и обедницы
для домашнего (келейного) совершения**

ЧАС ТРЕТИЙ

Молитвами святых отец наших, Господи Иисусе Христе, Боже наш, помилуй нас.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас.
Трижды, и три поклона.

Слава Отцу, и Сыну, и Святому Духу, и ныне и присно, и во веки веков.
Аминь.

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. Трижды.

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Яко Твое есть Царство и сила и слава во веки. Аминь. (Мф. 6: 9-13)**]

Господи, помилуй, 12.

Слава, и ныне:

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадем Самому Христу, Цареве и Богу нашему.

Псалом 16

Услы́ши, Го́споди, пра́вду мою́, вонми́ молéнию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, о́чи мой да ви́дита правоты́. Искусил еси́ се́рдце мое́, посетил еси́ но́щию, искусил мя еси́, и не обрeтeся во мне неправда. Яко да не возглаго́лют уста́ моя́ дел челове́ческих, за словеса́ устен Твои́х аз сохраню́х пути́ же́стоки. Соверши́ стопы́ моя́ во стезя́х Твои́х, да не подви́жутся стопы́ моя́. Аз воззва́х, яко услы́шал мя еси́, Бо́же, приклони́ у́хо Твое́ мне и услы́ши глаго́лы моя́. Удиви́ ми́лости Твоя́, спаса́яй упова́ющыя на Тя от проти́влящихся десни́це Твое́й. Сохрани́ мя, Го́споди, яко зе́ницу о́ка, в кро́ве крилу́ Твоею́ покры́еши мя. От лица́ нечестивых остра́стших мя, врази́ мой ду́шу мою́ одержа́ша. Тук свой затвори́ша, уста́ их глаго́лаша горды́ню. Изгоня́щии мя ны́не обыдо́ша мя, о́чи свой возложи́ша уклони́ти на зе́млю. Объя́ша мя яко лев гото́в на лов и яко ски́мен обита́яй в та́йных. Воскресни́, Го́споди, предвари́ я́ и запни́ им, изба́ви ду́шу мою́ от нечестиваго, ору́жие Твое́ от враг руки́ Твоея́. Го́споди, от ма́лых от земли́, раздели́ я́ в животé их, и сокрове́нных Твои́х исполнися чре́во их, насы́тишася сынóв, и оста́виша оста́нки младенце́м своим. Аз же пра́вдою явлю́ся лицу́ Твоему́, насы́щуся, внигда́ явити́ ми ся сла́ве Твое́й.

Псалом 24

К Тебе́, Го́споди, воздвигóх ду́шу мою́, Бо́же мой, на Тя упова́х, да не постыжу́ся во век, ниже́ да посмею́т ми ся врази́ мой, и́бо вси терпя́щии Тя не посты́дятся. Да посты́дятся беззакóннующии вотще́. Пути́ Твоя́, Го́споди, скажи́ ми, и стезя́м Твои́м научи́ мя. Наста́ви мя на и́стину Твою́, и научи́ мя, яко Ты еси́ Бог Спас мой, и Тебе́ терпéх весь день. Помяни́ щедрóты Твоя́, Го́споди, и ми́лости Твоя́, яко от ве́ка суть. Грех ю́ности моея́, и неведéния моего́ не помяни́, по ми́лости Твое́й помяни́ мя Ты, ра́ди блага́ости Твоея́, Го́споди. Благ и прав Госпо́дь, сегó ра́ди законоположи́т согреша́ющим на пути́. Наста́вит крóткия на суд, научи́т крóткия путе́м Свои́м. Все путиé Госпо́дни ми́лость и и́стина, взыска́ющим заветá Его́, и свидéния Его́. Ра́ди и́мене Твоего́, Го́споди, и очисти́ грех мой, мног бо есть. Кто есть челове́к боя́йся Го́спода? Законоположи́т ему́ на пути́, егóже избóли. Душа́ егó во благих водвори́тся, и се́мя егó наслéдит зе́млю. Держа́ва Госпо́дь боя́щихся Его́, и завет́ Его́ яви́т им. О́чи мой в́ину ко Го́споду, яко Той истóргнет от се́ти но́зе мой. При́зри на мя и помилуй́ мя, яко единорóд и нищ есмь аз. Скóрби се́рдца моего́ умно́жишася, от нужд мои́х изведи́ мя. Виждь смире́ние мое́, и труд мой, и оста́ви вся грехи́ моя́. Виждь враги́ моя́, яко умно́жишася, и ненави́дением неправедным возненави́деша мя. Сохрани́ ду́шу мою́, и изба́ви мя, да не постыжу́ся, яко

уповах на Тя. Незлѡбиви и прѡвии прилеплѡхуся мнѣ, ꙗко потерпѣх Тя, Господи. Избѡви, Бѡже, Израїля от всех скорбѣй егѡ.

Псалѡм 50

Помѡлуй мя, Бѡже, по велицей мѡлости Твоей, и по мнѡжеству щедрѡт Твоих очисти беззакѡние моѣ. Наипѡче омѡй мя от беззакѡния моего, и от грехѡ моего очисти мя; ꙗко беззакѡние моѣ аз знѡю, и грех мой предо мною есть вѣну. Тебѣ единому согрѣших, и лукавое пред Тобѡю сотворих; ꙗко да оправдишися во словесѣх Твоих, и победиши, в негда судити Ти. Сѣ бо в беззакѡнных зачат есмь, и во гресѣх роди мя мати моя. Сѣ бо истину возлюбил еси, безвѣстная и тѡйная премѡдрости Твоея явил ми еси. Окропиши мя иссопом, и очѡщуся; омѡеши мя, и пѡче снѣга убелюся. Слѡху моему дѡси рѡдость и весѣлие; возрадуются кѡсти смиренныя. Отврати лице Твое от грех моих, и вся беззакѡния моя очисти. Сѣрдце чѡсто созижди во мнѣ, Бѡже, и дух прав обнови во утрѡбе моей. Не отвержи мене от лица Твоегѡ, и Дѡха Твоегѡ Святагѡ не отыми от мене. Воздѡждь ми рѡдость спасѣния Твоегѡ, и Дѡхом Владычним утверди мя. Научѡ беззакѡнныя путем Твоим, и нечестивии к Тебѣ обратятся. Избѡви мя от кровей, Бѡже, Бѡже спасѣния моего; возрадуется язык мой правде Твоей. Господи, устне мои отверзеши, и уста моя возвестят хвалѡ Твою. ꙗко ѡще бы восхотѣл еси жѣртвы, дал бых ѡбо: всесожжѣния не благоволиши. Жѣртва Бѡгу дух сокрушен; сѣрдце сокрушено и смиренно Бог не унижит. Ублажи, Господи, благоволением Твоим Сиѡна, и да созиждутся стѣны Иерусалимския. Тогда благоволиши жѣртву правды, возношеніе и всесожегаемая; тогда возложат на олтарь Твой тельцы.

Слѡва, и ныне:

Аллилуїа, аллилуїа, аллилуїа, слѡва Тебѣ Бѡже. **Трижды.**

Господи, помѡлуй. **Трижды.**

Тропарь воскресный, глас 1:

Камени запечатану от иудей, и воином стрегущим пречистое Тѣло Твое, воскресл еси тридневный Спасе, даруяй мѡрови жѣзнь. Сего ради Сѡлы Небесныя вопияху Тѡи, Жизнодавче: слѡва Воскресению Твоему Христѣ: слѡва Цѡрствию Твоему: слѡва смотрѣнию Твоему, еди́не Человеколюбче.

Слѡва, тропарь преподобных, глас 8:

В тебѣ, мати, известно спасѣся еже по образу, / приѡмши бо крест, последовала еси Христѡ, / и дѣющи учѡла еси презирати ѡбо плоть,

прехóдит бо, / прилежáти же о душѣ, вѣщи безсмѣртней. / Тѣмже и со
 Ангелы срáдуется, преподóбная Маріе, дух твой.

И ны́не, Богородичен:

Богорóдице, Ты еси́ лозá ѣстинная, / возрастѣвшая нам Плод животá, /
 Тебѣ мо́лимся: / моли́ся, Владѣчице, со святы́ми апóстола / помѣловати
 дѹши нáша.

Тáже:

Госпóдь Бог благословѣн, / благословѣн Госпóдь день дне, / поспешѣт
 нам Бог спасѣний нáших, / Бог наш, Бог спасáти.

Святы́й Бóже, Святы́й Крѣпкий, Святы́й Безсмѣртный, помѣлуй нас.
Трижды.

Слáва Отцѹ и Сѣну и Свято́му Дѹху, и ны́не и прѣсно и во вѣки веко́в.
Амѣнь.

Пресвятáя Трѣице, помѣлуй нас; Гóсподи, очѣисти грехѣи нáша; Владѣко,
 прости́ беззакóнїя нáша; Святы́й, посети́ и исцели́ нѣмощи нáша, ѣмене
 Твоегó рáди.

Гóсподи, помѣлуй. **Трижды. Слáва, и ны́не:**

Óтче наш, Ёже еси́ на Небесѣх, да святѣтся ѣмя Твое́, да приѣдет
 Цáрствие Твое́, да бѹдет во́ля Твоя́, ꙗко на Небесѣи и на землѣи. Хлеб наш
 насѹщный дáждь нам днесь; и оста́ви нам дóлги нáша, ꙗкоже и мы
 оставлѣем должникóм нáшим; и не введѣи нас во искушѣние, но избáви нас
 от лука́ваго.

[Ёко Твое́ есть Цáрство и сѣла и слáва во вѣки. Амѣнь. (Мф. 6: 9-13)]

Кондáк воскрѣсен, глáс 1:

**Воскрѣсл еси́ ꙗко Бóг из грóба во слáве, и мѣр совоскрѣсил еси́, и
 естество́ человѣческое ꙗко Бóга воспевáет Тѣ, и смѣртъ исчезѣ: Ада́м же
 ликѹет, Владѣко, Ёва ны́не от ѹз избавлѣема рáдуется зовѹщи: Ты еси́,
 ѣже всѣм подаѣ Христѣ воскрѣсение.**

Гóсподи, помѣлуй. 40.

Ёже на всѣкое врѣмя и на всѣкий час, на Небесѣи и на землѣи,
 поклонѣемый и слáвимый, Христѣ Бóже, Долготерпелѣве,
 Многомѣлостиве, Многоблагоутрѣбне, Ёже прáведныя любѣи и грѣшныя
 мѣлуяи, Ёже вся зовѣи ко спасѣнию обеща́ния рáди бѹдущих благ. Сам,
 Гóсподи, приими́ и нáша в час сей мо́литвы и испра́ви живóт наш к
 за́поведем Твоѣм, дѹши нáша освяти́, телеса́ очѣисти, помышлѣния испра́ви,

мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Честнейшую Херувим / и славнейшую без сравнения Серафим, / без исления Бога Слова рождшую, / сущую Богородицу, Тя величаем.

И молитву сию, святого Мардария:

Владыко Бже Отче Вседержителю, Господи Сыне Единородный Иисусе Христе, и Святой Душе, Единое Божество, Единая Сила, помилуй мя, грешнаго, и имиже веши судьбами, спаси мя, недостойнаго раба Твоего, яко благословен еси во веки веков. Аминь.

ЧАС ШЕСТЫЙ

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадем Самому Христу, Цареве и Богу нашему.

Псалом 53

Бже, во имя Твое спаси мя, и в силе Твоей суди ми. Бже, услыши молитву мою, внуши глаголы уст моих. Яко чуждии восташа на мя и крепцыи взыскаша душу мою, и не предложаша Бога пред собою. Се бо Бог помогает ми, и Господь Заступник души моей. Отвратит злая врагом моим, истиною Твоею потреби их. Волею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя воззрел око мое.

Псалом 54

Внуши, Бже, молитву мою и не презри моления моего. Вонми ми и услыши мя: возскорбех печалию моею и смятохся. От гласа вражия и от стужения грешника, яко уклонил на мя беззаконие и во гневе враждовашу ми. Сердце мое смятется во мне и боязнь смерти нападет на мя. Страх и трепет прииде на мя и покры мя тьма. И рех: кто даст ми криле, яко голубине, и полещу, и почию? Се удалихся бегая и водворихся в пустыни. Чаях Бога, спасающаго мя от малодушия и от бури. Потопи, Господи, и раздели языки их: яко видех беззаконие и пререkanie во граде.

Днем и но́щию обы́дет ѿ по стена́м его́. Беззако́ние и труд посреде́ его́ и неправда. И не оскуде́ от стогн его́ ли́хва и леть. Яко́ а́ще бы враг поноси́л ми, претерпе́л бых у́бо, и а́ще бы ненави́дьяй мя на мя велере́чевал, укрь́ил бых ся от него́. Ты же, челове́че равноду́шне, влады́ко мой и зна́емый мой, и́же купно наслажда́лся еси́ со мно́ю бра́шен, в дому́ Бо́жии ходи́хом единомышлэ́нием. Да придет же смерть на ня, и да снѣдут во ад жи́ви, я́ко лука́вство в жили́щах их, посреде́ их. Аз к Бо́гу воззва́х, и Госпо́дь услы́ша мя. Вэ́чер и зау́тра, и полудне́ повэм, и возвещу́, и услы́шит глас мой. Изба́вит ми́ром ду́шу мою́ от приближа́ющихся мне, я́ко во мно́зе бя́ху со мно́ю. Услы́шит Бог и смири́т я́, Сый прэ́жде век. Несть бо им изменэ́ния, я́ко не убо́яшася Бо́га. Простре́ ру́ку свою́ на воздая́ние, оскверни́ша завет́ Его́. Раздели́шася от гнэ́ва лица́ Его́, и прибли́жишася сердца́ их, умя́кнуша словеса́ их па́че елэ́а, и та суть стрéлы. Возвэ́рзи на Го́спода печаль твою́, и Той тя препита́ет, не даст в век молвы́ пра́веднику. Ты же, Бо́же, низведе́ши их во студенéц истлэ́ния, му́жие кровей́ и льсти не преполовя́т дней своих. Аз же, Го́споди, упова́ю на Тя.

Псалом 90

Живы́й в по́мощи Вы́шняго, в кро́ве Бо́га Небэ́снаго водворѣ́тся. Рече́т Го́сподеви: Засту́пник мой еси́ и Прибе́жище моё́, Бог мой, и упова́ю на Него́. Я́ко Той изба́вит тя от се́ти лóвчи и от словесе́ мяте́жна, плещма́ Сво́йма осенѣ́т тя, и под криле́ Его́ наде́ешися: ору́жием обы́дет тя ѿстина Его́. Не убой́шися от стра́ха но́щнаго, от стрелы́ летя́щия во дни, от ве́щи во тме́ преходя́щия, от сря́ща и бе́са полуденнаго. Падéт от страны́ твоея́ ты́сяща, и тма одесну́ю тебе́, к тебе́ же не прибли́жится, оба́че очѣ́ма тво́йма смóтриши, и воздая́ние грэ́шников у́зриши. Я́ко Ты, Го́споди, упова́ние моё́, Вы́шняго положи́л еси́ прибе́жище твоё́. Не придет к тебе́ зло и ра́на не прибли́жится телеси́ твоему́, я́ко А́нгелом Сво́йм запове́сть о тебе́, сохра́нити тя во всех путэ́х твоѣ́х. На рука́х вóзмут тя, да не когда́ преткне́ши о ка́мень но́гу твою́, на а́спида и васили́ска насту́пиши, и попере́ши льва и зми́я. Я́ко на Мя упова́ и изба́влю ѿ, покры́ю ѿ, я́ко позна́ ѿмя Моё́. Воззове́т ко Мне и услы́шу его́, с ним есмь в скóрби, изму́ его́ и просла́влю его́, долготóю дний испо́лню его́ и явлю́ ему́ спасэ́ние Моё́.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бо́же. Трижды.

Го́споди, поми́луй. Трижды.

Тропарь воскресный, глас 1:

Ка́мени запеча́тану от иуде́й, и вои́ном стрегу́щим пречи́стое Тело́ Твое́, воскресе́л еси́ тридне́вный Спа́се, да́руяй ми́рови жи́знь. Сего́ ра́ди Си́лы Небе́сныя вопия́ху Ти́, Жизнода́вче: сла́ва Воскресе́нию Твоему́ Христе́: сла́ва Ца́рствию Твоему́: сла́ва смотре́нию Твоему́, еди́не Человеколю́бче.

Сла́ва, тропарь преподобных, глас 8:

В тебе́, ма́ти, изве́стно спасе́ся е́же по о́бразу, / при́мши бо крест, последовала еси́ Христу́, / и де́ющи учи́ла еси́ презира́ти у́бо плоть, прехо́дит бо, / прилежа́ти же о ду́шй, ве́щи безсме́ртней. / Те́мже и со А́нгелы сра́дуется, преподо́бная Мари́е, дух твой.

И ны́не, Богородичен:

Я́ко не има́мы дерзнове́ния за премно́гия грехи́ на́ша, / Ты и́же от Тебе́ Ро́ждшагося моли́, Богоро́дице Де́во, / мно́го бо мо́жет молéние Ма́тернее ко благосе́рдию Влады́ки. / Не презри грéшных мольбы́, Всечы́стая, / я́ко ми́лостив есть и спасти́ могый, / И́же и страда́ти о нас изво́ливый.

Та́же:

Ско́ро да предва́рят ны щедрóты Твоя́, Го́споди, / я́ко обнища́хом зело́; / помози́ нам, Бо́же, Спа́се наш, / сла́вы ра́ди И́мене Твоего́, Го́споди, избáви нас / и очисти́ грехи́ на́ша, И́мене ра́ди Твоего́.

Святы́й Бо́же, Святы́й Кре́пкий, Святы́й Безсме́ртный, помíлуй нас. Трижды.

Сла́ва Отцу́ и Сы́ну и Свято́му Ду́ху, и ны́не и прýсно и во ве́ки веко́в. Амíнь.

Пресвята́я Трби́це, помíлуй нас; Го́споди, очисти́ грехи́ на́ша; Влады́ко, прости́ беззакóния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, помíлуй. Трижды. Сла́ва, и ны́не:

О́тче наш, И́же еси́ на Небесе́х, да святíтся и́мя Твое́, да при́дет Ца́рствие Твое́, да бу́дет во́ля Твоя́, я́ко на Небеси́ и на земл́и. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должникóм на́шим; и не введи́ нас во искуше́ние, но избáви нас от лука́ваго.

[Я́ко Твое́ есть Ца́рство и си́ла и сла́ва во ве́ки. Амíнь. (Мф. 6: 9-13)]

Кондак преподобных, глас 3:

**Блудами пёрвее преиспóлнена всяческими, / Христо́ва неvéста
днесь покая́нием яв́ися, / А́нгельское ж́ительство подража́юще, /
де́моны Крестá ору́жием погубля́ет. / Сего́ ра́ди Ца́рствия неvéста
яв́илася еси́, / Мари́е пресла́вная.**

Гóсподи, помíлуй. 40.

**Иже на всякое вре́мя и на всякий час, на Небеси́ и на земли́,
покланя́емый и сла́вимый, Христé Бóже, Долготерпелíве,
Многомíлостиве, Многоблагоутрóбне, Иже пра́ведныя любя́й и грéшныя
мíлуяй, Иже вся зовы́й ко спасéнию обеща́ния ра́ди б́удущих благ. Сам,
Гóсподи, примí и на́ша в час сей моли́твы и испра́ви живóт наш к
заповедем Тво́йм, ду́ши на́ша освяти́, телеса́ очíсти, помышлéния испра́ви,
мы́сли очíсти и изба́ви нас от всякия скóрби, зол и болéзней, огради́ нас
святы́ми Тво́ими А́нгелы, да ополчéнием их соблюда́еми и наставля́еми,
достíгнем в соединéние véры и в ра́зум непристúпныя Твоея́ сла́вы, я́ко
благословéн еси́ во véки векóв, амíнь.**

**Честнéйшую Херув́им / и сла́внейшую без сравнéния Сераф́им, / без
истлéния Бóга Сло́ва рóждшую, / сущую Богорóдицу, Тя велича́ем.**

И молитву сию святого Великаго Василия:

**Бóже и Гóсподи сил и всея́ твáри Содéтелю, Иже за милосéрдие
безприкладныя мíлости Твоея́ Единорóднаго Сы́на Твоего́, Гóспода на́шего
Иисúса Христа́, низпосла́вый на спасéние рóда на́шего, и честным Егó
Крестóм рукописа́ние грех на́ших растерза́вый, и победíвый тем нача́ла и
вла́сти тьмы. Сам, Влады́ко Человеколю́бче, примí и нас, грéшных,
благодáрственныя сия́ и молéбныя моли́твы и изба́ви нас от всякаго
всегубíтельного и мра́чнаго прегрешéния и всех озло́бити нас и́щущих
в́идимых и нев́идимых враг. Пригвозди́ стра́ху Твоему́ плóти на́ша и не
уклонí серде́ц на́ших в словеса́ или́ помышлéния лука́вствия, но любóвию
Твоею́ уязви́ ду́ши на́ша, да, к Тебе́ всегда́ взира́юще и éже от Тебе́ свéтом
наставля́еми, Тебе́, непристúпнаго и присно́сущнаго зря́ще Свéта,
непрестáнное Тебе́ исповéдание и благодарéние возсыла́ем,
Безнача́льному Отцу́ со Единорóдным Тво́им Сы́ном и Всесвяты́м, и
Блаѓим, и Животворя́щим Тво́им Ду́хом ны́не, и прíсно, и во véки векóв.
Амíнь.**

ЧИН ОБЕДНИЦЫ

Благослови, душе моя, Господа: благословен еси, Господи.

Псалом 102

Благослови, душе моя, Господа, и вся внутренняя моя, имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказав пути Своя Моисею, сыновом Израилевым хотения Своя. Щедр и милостив Господь, долготерпелив и многомилостив. Не до конца прогневается, ниже во век враждует. Не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет: яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа, вся силы Его, слуги Его, творящии волю Его. Благословите Господа, вся дела Его, на всяком месте владычества Его, благослови, душе моя, Господа.

Слава Отцу, и Сыну, и Святому Духу.

Псалом 145

Хвали, душе моя, Господа. Восхваляю Господа в животе моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его, и возвратится в землю свою: в той день погибнут вся помышления его. Блажен, емуже Бог Иаковль Помощник его, упование его на Господа Бога своего, сотворшаго небо и землю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя, Господь умудряет слепцы, Господь возводит низверженныя, Господь любит праведники. Господь хранит пришельцы, сира и вдову приимет, и путь грешных погубит. Воцарится Господь во век, Бог твой, Сионе, в род и род.

И ны́не и прѣсно, и во ве́ки веко́в. **А**ми́нь.

Единоро́дный Сы́не, и Сло́ве Бо́жий, Безсме́ртен Сый, и изво́ливый спасѣния на́шего ра́ди воплотѣ́тся от Святы́я Богоро́дицы и Присноде́вы Мари́и, непрело́жно вочелове́чивыйся, распны́йся же, Христе́ Бо́же, сме́ртию смерть попра́вый, еди́н Сый Святы́я Трои́цы, спрославля́емый Отцу́ и Свято́му Ду́ху, спаси́ нас.

БЛАЖЕННЫ

Во Ца́рствии Твоём, помяни́ нас, Го́споди, егда́ при́деши во Ца́рствии Твоём.

Блаже́ни ни́щии ду́хом, я́ко тех есть Ца́рство Небе́сное.

Блаже́ни пла́чушии, я́ко ти́и утѣшатся.

На 10: **Блаже́ни** крѣ́тцыи, я́ко ти́и насле́дят зе́млю.

Блаже́ни а́лчушии и жа́ждушии пра́вды, я́ко ти́и насы́тятся.

На 8: **Блаже́ни** ми́лостивии, я́ко ти́и поми́ловани бу́дут.

Сне́дию изведе́ из ра́я вра́г Ада́ма: Кресто́м же разбо́йника введе́ Христос́ во́нь, помяни́ мя, зову́ща, егда́ при́деши во Ца́рствии Твоём.

Блаже́ни чи́стии се́рдцем, я́ко ти́и Бо́га у́зрят.

Покла́няюся страсте́м Твои́м, славосло́влю и Воскресе́ние со Ада́мом и разбо́йником, со гла́сом све́тлым вопию́ Ти: помяни́ мя, Го́споди, егда́ при́деши во Ца́рствии Твоём.

На 6: **Блаже́ни** миротво́рцы, я́ко ти́и сы́нове Бо́жии нареку́тся.

Распя́лся еси́ безгре́шне, и во грѣ́бе положи́лся еси́ волею: но воскрѣ́сл еси́ я́ко Бо́г, совоздвѣ́гнувый себе́ Ада́ма, помяни́ мя, зову́ща, егда́ при́деши во Ца́рствии Твоём.

Блаже́ни изгна́ни пра́вды ра́ди, я́ко тех есть Ца́рство Небе́сное.

Хра́м Тво́й теле́сный тридне́вным Воскреси́вый погребѣ́нием, со Ада́мом, и и́же о Ада́ма, воскрѣ́сил еси́ Христе́ Бо́же: помяни́ нас зову́щих, егда́ при́деши во Ца́рствии Твоём.

На 4: **Блаже́ни** есте́, егда́ понѣ́сят вам, и изжену́т, и реку́т всяк зол глаго́л на вы, лжу́ще, Мене́ ра́ди.

Мирно́сицы приидѣ́ша пла́чуща, на грѣ́б Тво́й Христе́ Бо́же, зело́ ра́но: и в бе́лых ри́зах обрето́ша А́нгела седя́ща, что́ ищите? зову́ща. Воскрѣ́се Христос́, не рыда́йте прѣ́чее.

Ра́дуйтеся и веселѣ́тесь, я́ко мзда ва́ша мно́га на Небесе́х.

Апостоли Твої, Гóсподи, на гóру, áможе повелéл есі їм, пришéдше, Спáсе, и Тя вíдевше поклонíшася, їхже и послáл есі во язýки учíти и крестíти я.

Слáва, трóичен: Отцý поклонíмся, и Сýна славослóвим и Пресвятáго Дýха вкúпе воспóйм, зовýще и глагóлюще: Всесвятáя Трóице, спасí всéх нáс.

И нýне: Мáтерь Твою привóдят Тí в молíтву, лю́дие Твої, Христé: мольбáми Ея щедрóты Твоя дáждь нáм, Благíй, да Тя прославля́ем, из грóба нáм возсия́вшаго.

ТРИСВЯТОЕ

Святýй Бóже, Святýй Крéпкий, Святýй Безсмéртный, помíлуй нас.
Трижды, и три поклона.

Слáва Отцý, и Сýну, и Святóму Дýху, и нýне и прíсно, и во вéки векóв.
Амíнь.

Святýй Безсмéртный, помíлуй нас.

Святýй Бóже, Святýй Крéпкий, Святýй Безсмéртный, помíлуй нас.

ПРОКИМЕН, АПОСТОЛ И ЕВАНГЕЛИЕ

Прокíмен, глáс 1: Бýди, Гóсподи, мíлость Твоя на нáс, я́коже упова́хом на Тя.

Стíх: Рáдуйтеся прáведнии о Гóсподе, прáвым подобáет похвалá.

Бýди, Гóсподи, мíлость Твоя на нáс, я́коже упова́хом на Тя.

Прокíмен, глáс 4: Дíвен Бог во святýх Своíх, Бог Израíлев.

Апостол воскресный ко Евреем, зачало 321 от полу:

Брáтие, Христóс пришéд Архиерéй грядúщих благ, бóльшею и совершеннейшею скíниєю, нерукотворéнною, сíречь, не сея твáри, ни крóвию кóзлею, ни тéльчею, но Своёю Крóвию, вни́де едíною во святáя, вéчное искуплéние обретýй. Áще бо кровь кóзля и тéльчая, и пéпел ю́нчий кропя́щий осквернёныя, освящáет к плóтней чистотé, кольмí пáче Кровь Христóва, Їже Дýхом Святýм Себé принесé непорóчна Бóгу, очíстит сóвесть нáшу от мéртвых дел, во éже служíти нам Бóгу жíву и íстинну.

Русский перевод: Братия, Христос, Первосвященник будущих благ, придя с большею и совершеннейшею скиниею, нерукотворенною, то есть не такового устройства, и не с кровью козлов и тельцов, но со Своею Кровию, однажды вошел во святилище и приобрел вечное искупление. Ибо если кровь тельцов и козлов и пепел телицы, через окропление, освящает оскверненных, дабы чисто было тело, тем более Кровь Христа,

Который Духом Святым принес Себя непорочного Богу, очистит совесть нашу от мертвых дел, для служения Богу живому и истинному.

Апостол преподобных, к Галатам, зачало 208:

Брáтие, прѣжде пришѣствія вѣры, под законѣм стрегоми бѣхом, затворѣни в хотящую вѣру открьтися. Тѣмже закон пѣстун нам бысть во Христа, да от вѣры оправдѣмся. Пришѣдши же вѣре, ужѣ не под пѣстуном есмь. Все бо вы сынове Божии есте вѣрою о Христѣ Иисусе: елицы бо во Христа крестѣстеся, во Христа облекѣстеся. Нестъ Иудѣй, ни ѣллин; несть раб, ни свободѣ; несть мужеский пол, ни женский; все бо вы единое есте о Христѣ Иисусе. Аще ли вы Христовы, ѹбо Авраамле сѣмя есте, и по обетованію наследницы.

Русский перевод: Братия, до пришествия веры мы заключены были под стражею закона, до того времени, как надлежало открыться вере. Итак закон был для нас детоводителем ко Христу, дабы нам оправдаться верою; по пришествии же веры, мы уже не под руководством детоводителя. Ибо все вы сыны Божии по вере во Христа Иисуса; все вы, во Христа крестившиеся, во Христа облеклись. Нет уже Иудея, ни язычника; нет раба, ни свободного; нет мужского пола, ни женского: ибо все вы одно во Христе Иисусе. Если же вы Христовы, то вы семя Авраамово и по обетованию наследники.

Аллилу́ия, аллилуия, аллилуия.

Бог дай отмщѣние мнѣ, и покорѣвый люди под мѣ.

Стѣх: Величáяй спасѣнія царѣва, и творя́й мѣлость Христу́ своему́ Давѣду, и сѣмени его́ до вѣка.

Господи, помилуй. Трижды.

От Марка святаго Евангелия чтение.

Слава Тебе, Господи, слава Тебе.

Евангелие рядовое воскресное от Марка, зачало 47:

Во время оно, поят Иисус обанадесять, начат им глаголати, яже хотяху Ему быти, яко, се, восходим во Иерусалим, и Сын Человеческий предан будет архиереем и книжником, и осудят Его на смерть, и предадут Его языком. И поругаются Ему, и уязвят Его, и оплюют Его, и убьют Его, и в третий день воскреснет. И пред Ним приидоста Иаков и Иоанн, сына Зеведеева, глаголюща: Учителю, хощева, да еже аще просива, сотвориши на́ма. Он же рече има: что хощета, да сотворю ва́ма? Она же рѣста Ему: даждь нам, да еди́н одесную Тебѣ, и еди́н ошуюю Тебѣ сѣдева во сла́ве Твоей. Иисус же рече има: не вѣстася, чесо просита. Мо́жета ли пѣти чашу, ю́же Аз пию, и крещѣнием, имже Аз крещáюся, крестѣтися? Она же рѣста Ему: мо́жева. Иисус же рече има:

ча́шу у́бо, ю́же Аз пию́, испи́ета, и креще́нием, и́мже Аз крещáюся, креститáся. А е́же сести одесну́ю Мене́ и ошу́ю, несть Мне да́ти, но и́мже угото́вано есть. И слы́шавше де́сять, нача́ша негодова́ти о Иа́кове и Иоáнне. Иису́с же призва́в их, глаго́ла им: ве́сте, я́ко мня́щиися владе́ти язы́ки, соодолева́ют им, и вели́цыи их облада́ют и́ми. Не та́ко же бу́дет в вас, но и́же а́ще хо́щет в вас вя́щий бы́ти, да бу́дет вам слуга́. И и́же а́ще хо́щет в вас бы́ти ста́рей, да бу́дет всем раб. И́бо Сын Чело́вечь не при́де, да послужат Ему́, но да послужит, и да́ти ду́шу Свою́ избавле́ние за мно́ги.

Русский перевод: В то время, подозвав двенадцать, Иисус начал им говорить о том, что будет с Ним: вот, мы восходим в Иерусалим, и Сын Человеческий предан будет первосвященникам и книжникам, и осудят Его на смерть, и предадут Его язычникам, и поругаются над Ним, и будут бить Его, и оплюют Его, и убьют Его; и в третий день воскреснет. Тогда подошли к Нему сыновья Зеведеевы Иаков и Иоанн и сказали: Учитель! мы желаем, чтобы Ты сделал нам, о чем попросим. Он сказал им: что хотите, чтобы Я сделал вам? Они сказали Ему: дай нам сесть у Тебя, одному по правую сторону, а другому по левую в славе Твоей. Но Иисус сказал им: не знаете, чего просите. Можете ли пить чашу, которую Я пью, и креститься крещением, которым Я крещусь? Они отвечали: можем. Иисус же сказал им: чашу, которую Я пью, будете пить, и крещением, которым Я крещусь, будете креститься; а дать сесть у Меня по правую сторону и по левую – не от Меня зависит, но кому уготовано. И, услышав, десять начали негодовать на Иакова и Иоанна. Иисус же, подозвав их, сказал им: вы знаете, что почитающиеся князьями народов господствуют над ними, и вельможи их властвуют ими. Но между вами да не будет так: а кто хочет быть большим между вами, да будет вам слугою; и кто хочет быть первым между вами, да будет всем рабом. Ибо и Сын Человеческий не для того пришел, чтобы Ему служили, но чтобы послужить и отдать душу Свою для искупления многих.

Евангелие преподобных, от Луки, зачало 33:

Во вре́мя о́но, моля́ше Иису́са не́кий от фа́рисей, да бы ял с ним: и вше́д в дом фа́рисеов, возле́же. И се жена́ во гра́де, я́же бе грешница, и уве́девши, я́ко возлежи́т во хра́мине фа́рисеове, прине́сши алава́стр ми́ра. И ста́вши при ногу́ Егó созда́и, пла́чущися, нача́т умыва́ти но́зе Егó слеза́ми, и власы́ главы́ своея́ отира́ше, и облобыза́ше но́зе Егó, и ма́заше ми́ром. Ви́дев же фа́рисей возва́вый Егó, рече́ в себе́, глаго́ля: Сей а́ще бы был проро́к, ве́дел бы кто и какова́ жена́ прикаса́ется Ему́, я́ко грешница есть. И отве́щав Иису́с рече́ к нему́: Си́моне, и́мам ти не́что рещи́. Он же рече́: Учи́телю, рцы. Иису́с же рече́: два должника́ бе́ста заимода́вцу не́кому, еди́н бе до́лжен пятию́сот дина́рий, други́й же пятию́десят. Не иму́щема же и́ма возда́ти, обе́ма отда́. Кото́рый у́бо ею́, рцы, па́че возлю́бит егó? Отве́щав же Си́мон рече́: мню, я́ко ему́же вя́ще отда́. Он же рече́ ему́: пра́во суди́л еси́. И обра́щся к женé, Си́монови рече́: ви́диши ли сию́ жену́? Внидо́х в дом твой, воды́ на но́зе

Мой не даде, сия же слезами облия Ми нозе, и власы главы своей отрe. Лобзания Ми не даде, сия же, отнелиже внидох, не преста облобызаючи Ми нозе. Маслом главы Моея не помаза: сия же миром помаза Ми нозе. Егоже ради, глаголю ти: отпускаются греси ей мнози, яко возлюбил много, а емуже мало оставляется, меньше любит. Рече же ей: отпускаются тебе греси. И начаша возлежащи с Ним глаголати в себе: кто Сей есть, иже и грехи отпускает? Рече же к женe: вера твоя спасе тя, иди в мире.

Русский перевод: В то время просил Иисуса некто из фарисеев вкушать с ним пищи; и Он, войдя в дом фарисея, возлег. И вот, женщина того города, которая была грешница, узнав, что Он возлежит в доме фарисея, принесла алавастровый сосуд с миром и, став позади у ног Его и плача, начала обливать ноги Его слезами и отирать волосами головы своей, и целовала ноги Его, и мазала миром. Видя это, фарисей, пригласивший Его, сказал сам в себе: если бы Он был пророк, то знал бы, кто и какая женщина прикасается к Нему, ибо она грешница. Обратившись к нему, Иисус сказал: Симон! Я имею нечто сказать тебе. Он говорит: скажи, Учитель. Иисус сказал: у одного заимодавца было два должника: один должен был пятьсот динариев, а другой пятьдесят, но как они не имели чем заплатить, он простил обоим. Скажи же, который из них более возлюбит его? Симон отвечал: думаю, тот, которому более простил. Он сказал ему: правильно ты рассудил. И, обратившись к женщине, сказал Симону: видишь ли ты эту женщину? Я пришел в дом твой, и ты воды Мне на ноги не дал, а она слезами облила Мне ноги и волосами головы своей отёрла; ты целования Мне не дал, а она, с тех пор как Я пришел, не перестает целовать у Меня ноги; ты головы Мне маслом не помазал, а она миром помазала Мне ноги. А потому сказываю тебе: прощаются грехи её многие за то, что она возлюбила много, а кому мало прощается, тот мало любит. Ей же сказал: прощаются тебе грехи. И возлежавшие с Ним начали говорить про себя: кто это, что и грехи прощает? Он же сказал женщине: вера твоя спасла тебя, иди с миром.

Слава Тебе, Господи, слава Тебе.

Помяни нас, Господи, егда приидеши во Царствии Твоём.

Помяни нас, Владыко, егда приидеши во Царствии Твоём.

Помяни нас, Святыи, егда приидеши во Царствии Твоём.

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.

Стих: Приступите к Немю и просветитесь, и лица ваша не постыдятся.

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.

Слава: Лик святых Ангел и Архангел со всеми Небесными Силами поет Тя и глаголет: Свят, Свят, Свят Господь Саваоф, исполнь Небо и земля славы Твоея.

И ныне: **В**ерую во еди́наго **Б**ога Отца́, Вседержителя, Творца́ Небу и земли́, ви́димым же всем и неви́димым. И во еди́наго **Г**оспода Иисуса Христа́, **С**ына **Б**ожия, Единоро́днаго, **И**же от Отца́ рождённаго прѣжде всех век; **С**вѣта от **С**вѣта, **Б**ога и́стинна от **Б**ога и́стинна, рождѣнна, несотворѣнна, единосущна Отцѹ́, **И**мже вся бѣша. Нас ра́ди человек и нашего ра́ди спасѣния сшѣдшаго с Небѣс, и воплотившагося от **Д**у́ха **С**вята и **М**аріи **Д**ѣвы, и вочеловѣчшася. Распя́таго же за ны́ при **П**онтійстем **П**илате, и страда́вша, и погребѣнна. И воскрѣсшаго в трѣтій день, по **П**иса́нием. И возше́дшаго на **Н**ебеса́, и сѣдѣща одесну́ю **О**тца́. И па́ки грядущаго со сла́вою суди́ти живы́м и ме́ртвым, **Е**го́же **Ц**а́рствию не бу́дет конца́. И в **Д**у́ха **С**вята́го, **Г**оспода, **Ж**ивотворящаго, **И**же от **О**тца́ исходящаго, **И**же со **О**тце́м и **С**ыно́м спокланя́ема и ссла́вима, глаго́лавшаго проро́ки. Во еди́ну **С**вяту́ю, **С**обо́рную и **А**посто́льскую **Ц**ѣрковь. **И**сповѣдую еди́но **К**рещѣние во оставлѣние грехо́в. **Ч**аю воскрѣсѣния ме́ртвых, и жи́зни бу́дущаго ве́ка. **А**ми́нь.

Осла́би, оста́ви, прости́, **Б**о́же, прегрѣшѣния на́ша, во́льная и нево́льная, я́же в сло́ве и в де́ле, я́же в ве́дении и не в ве́дении, я́же во днѣи и в но́щи, я́же во уме́ и в помышлѣнии: вся нам прости́, я́ко **Б**лаг и **Ч**еловеколю́бец.

О́тче наш, **И**же еси́ на **Н**ебесе́х, да святѣ́тся и́мя **Т**вое́, да приидет **Ц**а́рствие **Т**вое́, да бу́дет во́ля **Т**воя́, я́ко на **Н**ебеси́, и на землѣи. **Х**леб наш насущный даждь нам днесь; и оста́ви нам до́лги на́ша, я́коже и мы оставля́ем должникомъ на́шим; и не введѣ́ нас во искуше́ние, но избáви нас от лука́ваго.

[**Я**́ко **Т**вое́ есть **Ц**а́рство и си́ла и сла́ва во ве́ки. **А**ми́нь. (**М**ф. 6: 9-13)]

Конда́к воскрѣсен, глас 1:

Воскрѣсл еси́ я́ко **Б**о́г из гроба́ во сла́ве, и ми́р совоскрѣсил еси́, и естество́ челове́ческое я́ко **Б**о́га воспева́ет **Т**я́, и сме́рть исче́зѣ: **А**да́м же лику́ет, **В**лады́ко, **Е**́ва ны́не от у́з избавля́ема ра́дуется зову́щи: **Т**ы еси́, я́же все́м пода́я **Х**ристѣ́ воскрѣсѣние.

Сла́ва:

Кондак преподо́бныя **Маріи, глас 3:**

Блуда́ми пе́рвее преиспо́лнена вся́ческими, / **Х**ристóва неvéста днесь покая́нием явѣ́ся, / **А**́нгельское жи́тельство подража́ющи, / де́моны **К**реста́ ору́жием погубля́ет. / **С**его́ ра́ди **Ц**а́рствия неvéста явѣ́лася еси́, / **М**аріе пресла́вная.

И ны́не:

Кондак Богородицы, глас 6:

Предстательство христиа́н непосты́дное, ходата́йство ко Творцу́ непреложное, не прэ́зри грешных молéний глáсы, но предвари́ яко Благáя на пóмощь нас, véрно зову́щих Ти: ускори́ на моли́тву и потщи́ся на умоле́ние, предстательствующи присно, Богорóдице, чту́щих тя.

Гóсподи, помилуй. 12.

И молитву:

Всесвятáя Трóице, Единосу́щная Держáво, Нераздéльное Цáрство, всех благíх Винá, благоволи́ же и о мне грешнем, утверди́, вразуми́ сéрдце моé, и всю мою́ отыми́ сквэрну, просвети́ мою́ мысль, да в́ину сла́влю, пою́, поклоня́юся и глаго́лю: Еди́н Свят, Еди́н Госпóдь, Иису́с Христóс, во сла́ву Бóга Отца́. **Ами́нь.**

Буди́ Имя́ Госпóдне благословéно отны́не и до véка. Трижды.

Сла́ва, и ны́не:

Псалом 33:

Благословлю́ Гóспода на всякое время, в́ину хвалá Егó во устéх мойх. О Гóсподе похва́лится душа́ моя́, да услы́шат крóтцыи и возвеселя́тся. Возвели́чите Гóспода со мно́ю, и вознесём́ имя́ Егó вку́пе. Взыска́х Гóспода, и услы́ша мя, и от всех скорбéй мойх избáви мя. Приступите́ к Немú и просветите́ся, и ли́ца ва́ша не посты́дятся. Сей ни́щий воззва́, и Госпóдь услы́ша ý, и от всех скорбéй егó спасé ý. Ополчи́тся А́нгел Госпóдень óкрест боя́щихся Егó, и избáвит их. Вкуси́те и ви́дите, яко́ благ Госпóдь; блаже́н муж, íже упова́ет Нань. Бóйтесь Гóспода, вси́ святíи Егó, яко́ несть лишéния боя́щимся Егó. Богáтии обнища́ша и взалка́ша, взыска́юЩИи же Гóспода не лишáтся вся́каго бла́га. Приидите́, ча́да, послу́шайте мене́, стра́ху Госпóдню научу́ вас. Кто́ есть человекó хотя́й живóт, любя́й дни ви́дети бла́ги? Удержи́ языкó твой от зла, и устне́ твой, е́же не глаго́лати льсти. Уклони́ся от зла и сотвори́ бла́го, взыщи́ ми́ра и поженí ý. Óчи Госпóдни на пра́ведныя, и úши Егó в моли́тву их. Лице́ же Госпóдне на творя́щия зла́я, е́же потребíти от земли́ па́мять их. Воззва́ша пра́веднии, и Госпóдь услы́ша их, и от всех скорбéй их избáви их. Близ Госпóдь сокруше́нных сéрдцем, и смире́нных дúхом спасéт. Мно́ги скóрби пра́ведным, и от всех их избáвит я́ Госпóдь. Храни́т Госпóдь вся́ кóсти их, ни еди́на от них сокруши́тся. Смерть грешниковó люта́, и ненави́дяЩИи пра́веднаго прегрешáт. Избáвит Госпóдь дúши раб Свои́х, и не прегрешáт вси́ упова́юЩИи на Него́.

Достóйно есть яко войстину блажити Тя, Богорóдицу, Присноблаженную и Пренепорóчную и Мáтерь Бóга нáшего. Честнэйшую Херувím и слáвнейшую без сравнénия Серафím, без истлénия Бóга Слóва рóждшую, сущую Богорóдицу Тя велича́ем.

Слáва, и ны́не:

Гóсподи, помíлуй. Трижды. Благословí.

Отпúст

Воскресýй из мёртвых, Христé, íстинный Бóже наш, молíтвами Пречíстыя Твоея́ Мáтере ; святýх слáвных и всехвáльных Апóстол ; преподобномученика Никона епископа и 199-ти учеников его (251) ; мучеников Филита, Лидии, супруги его, Македона, Феопрепия, Кронида и Амфилохия, чад их (117-138) ; Прп. Никона, игумена Киево-Печерского (1088); мученика Василия Мангазейского (1600); священномученика Макария пресвитера (1931); священномучеников Василия, Стефана пресвитеров, преподобномученика Илии; преподобномучениц Анастасии, Варвары, мученика Алексия (1938); преподобного Сергия исповедника (1948); преподóбныя Марíи Егíпетския, ихже и пáмять ны́не соверша́ем, святýх и прáведных богоотéц Иоакíма и Áнны, и всех святýх, помíлуй и спасí нас, яко Благ и Человеколю́бец.

Велíкаго господíна и отцá нáшего Кири́лла, / Святéйшаго Патриáрха Москóвскаго и всея́ Русí, / и господíна нáшего высокопреосвящённейшаго **íмярек**, / митрополíта [**или́:** архиепíскопа; **или́:** преосвящённейшаго **íмярек**, епíскопа] [**егóже есть óбласть**], / настоя́теля, брáтию и прихóжан свята́го хра́ма нáшего, / домочадцы наша и вся правослáвныя христиáны, / Гóсподи, сохрани́ их на мнóгая лéта.